

ხაშურის მუნიციპალიტეტში ინფრასტრუქტურული პროექტები მიმდინარეობს

19 ივლისი 2018

შიდა ქართლის გუბერნატორმა აკაკი მაჭუტაძემ ხაშურის მუნიციპალიტეტში გზის სამშენებლო სამუშაოები ადგილზე დაათვალიერა. ამჟამად, სოფელ ოსიაურის გზისა და სურამში, ლესია უკრაინკასა და წმ. მარიაშის ქუჩების მოასფალტება მიმდინარეობს. ოსიაურში მოენყობა 3 კმ-მდე გზის მონაკვეთი, დაიგება ასფალტის საფარი და გაკეთდება სანიაღვრე არხები. პროექტი მიმდინარე წლის აგვისტოში დასრულდება, რომელზეც მილიონამდე ლარი დაიხარჯება. რეაბილიტირებული გზით სარგებლობას შეძლებს 6 სოფელი. რაც შეეხება სურამის ქუჩებს, ლესია უკრაინკას ქუჩის რეაბილიტაციაზე განსაზღვრულია 282 145 ლარი. ასფალტის საფარი დაიგება და სანიაღვრე სისტემა მოენყობა 830 გრძივი მეტრის ქუჩაზე, რომლის დასრულებაც მიმდინარე წლის აგვისტოში იგეგმება. აგვისტოს თვეშივე დასრულდება წმ. მარიაშის ქუჩის რეაბილიტაციაც. პროექტზე 212 875 ლარი დაიხარჯება და ჯამში, 680 გრძივი მეტრის გზა დაიგება.